


二十二史攷異

晉書四五 宋書一二 廿一之四



| | | | | |
|---|---|---|---|---|
| | | | 九 | 漢 |
| | | 三 | 〇 | 書 |
| | | 〇 | 三 | 門 |
| 二 | 一 | 〇 | 〇 | |
| 〇 | 〇 | 〇 | 〇 | |
| 冊 | 架 | 函 | 號 | 類 |

| | | | |
|---------|---|---|---|
| 庫 文 閣 內 | | | |
| 五 | 九 | | 漢 |
| 八 | 三 | | 書 |
| 函 | 〇 | | |
| 一 | 〇 | 三 | |
| 架 | 冊 | 號 | 類 |

| | | | |
|---------|-----|-------|--|
| 內 閣 文 庫 | | | |
| 番 號 | 漢 | 9203 | |
| 冊 數 | 20 | (6) | |
| 函 號 | 298 | 2 | |



Vertical columns of faint Japanese text, likely bleed-through from the reverse side of the page. The text is arranged in approximately 15 columns, with varying lengths and some larger characters that may indicate section breaks or headings.

晉書四

錢大昕學

廿二史攷異廿一

錢大昕學

后妃傳

惠羊皇后 賈后既廢孫秀議立后后外祖孫旂與秀

合族又諸子自結于秀故以太安元年立為皇后

按帝紀永康元年十一月立皇后羊氏正當倫秀專

政之日其明年孫秀伏誅又明年始改元太安則此

傳云太安者誤矣五行志亦稱永康元年

成恭杜皇后 諱陵陽 按宋書州郡志杜皇后諱陵

此衍一陽字也咸康四年以后諱改宣城之陵陽縣

文選

晉書四

一

爲廣陽可證后名無陽字

太尉王夷甫外孫 按成帝諱衍故史家於王夷甫字而不名此舊史本文唐史臣亦因而不改爾

章太妃周氏 哀帝卽位詔有司議貴人位號太尉桓溫議宜稱夫人尙書僕射江彪議應曰太夫人 按禮志桓溫議宜稱太夫人江彪謂可言皇太夫人與傳不同當從志

哀靖王皇后 興寧二年崩 本紀在三年

廢帝孝庾皇后 太和六年崩 本紀在元年

孝武文李太后 左僕射何澄等議應同于爲祖母後

齊衰三年 禮志作齊衰期宋書徐廣傳亦稱齊衰三年

安德陳太后 太元十五年薨贈夫人追崇曰皇太后 按帝紀追尊在安帝隆安三年此有脫文

王祥傳

漢末遭亂扶母攜弟覽避地廬江隱居三十餘年 按祥以泰始五年薨年八十五上溯漢建安九年祥始二十歲卽使避地更在其前距爲徐州別駕之日祇二十餘年耳此三十當爲二十之誤也

徐州刺史呂虔檄爲別駕祥年垂耳順固辭不受覽勸

之 按魏志呂虔爲徐州刺史在文帝時計文帝黃初元年祥纔三十有六耳卽被徵在黃初之末亦止四十餘何得云耳順也王隱晉書云祥始出仕年過五十蓋據舉秀才除溫令而言非指爲別駕之日也虔委以州事于時寇盜充斥祥率厲兵士頻討破之

按魏志呂虔請祥爲別駕民事一以委之討利城叛賊斬獲有功此傳云寇盜充斥卽謂利城叛賊也劉知幾以爲漢建安中徐州未靖時事蓋未攷魏志耳泰始五年夢 紀在四年四月

王覽傳

以覽爲宗正卿 按漢以太常光祿勳衛尉宗正廷尉太僕大鴻臚大司農少府爲九卿而官名無卿字魏晉宋齊竝因漢制梁武帝增置十二卿始於官名下繫以卿字今晉史諸傳間有稱某卿者如王覽傳以覽爲宗正卿何遵傳遷太僕卿衛瓘傳轉廷尉卿司馬允之傳追贈太常卿山濤傳除太常卿何攀傳廷尉卿諸葛沖摯虞傳父模魏太僕卿虔爲衛尉卿太常卿周浚傳父斐少府卿卞敦傳父俊歷位廷尉卿謝安傳父裒太常卿孫綽傳轉廷尉卿皆唐初史臣不諳官制率意增加非當時本稱

子裁撫軍長史 王導傳父裁鎮軍司馬

何曾傳

文帝為晉王曾與高柔鄭沖俱為三公將入見曾獨致拜盡敬二人猶揖而已 按高柔卒於景元四年司

馬昭未為晉王至咸熙元年封王其時三公則太尉王祥司空荀顛也傳誤

賈充與庾純因酒相競曾議黨充而抑純以此為正直所非 今以庾純傳攷之曾與荀顛齊王攸議云純不求供養於禮律未有違惟譏其荒酒肆忿之失石苞則詆其榮官忘親不忠不孝矣史於苞傳無貶詞

而獨責曾一人抑何自相刺謬也

石苞傳

泰始八年薨 紀在九年二月

石崇傳

初崇家稻米飯在地經宿皆化為螺時人以為族滅之應 按衛瓘傳初瓘家人炊飯墮地盡化為螺歲餘及禍二事正相類又裴楷傳初楷家炊黍在甑或變為拳或作血或作蕪菁子其年而卒事亦相近也

羊祜傳

詔以泰山之南武陽牟南城梁父平陽五縣為南城郡

政退

晉書四

四

按南城置郡以封羊祜祜固辭不拜郡亦旋廢故地理志不載此郡

故太尉廣陵公準黨翼賊倫禍加淮南 按羊祜衛瓘皆稱姓而陳準不書姓脫文也攷惠帝紀淮南王允被害之後陳準始除太尉錄尚書事其黨于趙王倫可知又淮南王允傳允率兵圍相府太子左率陳徽勒東宮兵鼓譟於內以應允徽兄淮時爲中書令遣麾騶虞幡以解圍所云淮者卽準字之譌是淮南之敗準實爲之矣

陳騫傳

元康二年薨 按本紀騫以太康二年十一月薨元康

惠帝年號騫不及事惠帝也

衛恒傳

魏初有鍾胡二家爲行書法 謂鍾繇胡昭也

河間王洪傳

混小子滔初嗣新蔡王確亦與其兄俱沒後得南還與

新蔡太妃不協太興二年上疏以兄弟竝沒在遼東

章武國絕宜還所生 混封章武王 太妃訟之事下太常 云

云 詔還龔章武 按元帝紀建武元年十一月封汝

南王子弼爲新蔡王太興元年十一月新蔡王弼薨

弼之嗣新蔡在滔還襲章武之後弼既薨于太興元年則滔上疏請還本生事斷不在太興二年矣

位至游擊大將軍 按職官志有游擊將軍無大字

太原王輔傳

魏末爲野王太守 按地理志魏所置郡無野王之名

下邳王晃傳

咸寧六年薨 咸寧武帝年號也晃事惠帝由尙書令

遷司空紀書元康六年正月薨此云咸寧誤

高陽王珪傳

詔以太原王輔子緝襲爵 按晉宗室諸王多同名者

有高陽王緝又有中山王緝有南宮王承又有譙王承

高密王略傳

略字元簡 按高密孝王略字元簡而本紀書高密王

簡沛順王景字子文而本紀書沛王子文城陽懷王

景字景度而本紀書城陽王景度蓋當時諸王亦有

以字行者

新蔡王騰傳

封東嬴公 按惠帝紀光熙元年九月進東嬴公騰爵

爲東燕王本傳失書

范陽王綏傳

咸寧五年薨 本紀在四年

范陽王虓傳

永興三年暴疾薨 惠帝紀虓薨于光熙元年十月按

是歲十月改元光熙則當書光熙為正

任城王陵傳

泰始元年封北海王三年轉封任城王 按武帝紀咸

寧三年八月徙北海王陵為任城王傳云泰始三年

轉封未審誰是

咸寧五年薨 本紀在太康四年四月

西河王斌傳

武帝受禪封陳王三年改封西河 按西河之封據帝

紀亦在咸寧三年與任城同時此傳下有咸寧四年

之文則亦以為泰始三年矣

賈充傳

初充伐吳時常屯項城軍中忽失充所在 按晉史好

采小說而此傳蕪累尤甚蓋由作史者惡充之姦故

於賈后傳及此篇縷述其女淫穢之迹然左氏史公

亦道中藹之言曷嘗冗俗若此乎項城軍中為鬼所

錄叩頭請命益誕妄不足信矣

劉寔傳

元康九年策拜司空 惠帝紀在永康元年

王渾傳

及誅楊駿崇重舊臣乃加渾兵渾以司徒文官主史不持兵持兵乃吏屬絳衣自以偶因時寵權得持兵非是舊典皆令阜服 按職官志諸公及開府從公加兵者主簿已下令史已上皆絳服太尉雖不加兵吏屬亦皆絳服渾以司徒加兵於法吏屬當絳衣乃辭而不居者以一時誤恩非由功賞且政出多門恐為權倖所忌耳

王濟傳

與甄德妻長廣公主 按晉諸公贊云甄德字彥孫司

馬景王以女妻德早亡文王復以女繼室即京兆長

公主也

見魏志后妃傳注

此云長廣公主封號互異

王濬傳

太子洗馬孟康 此與注漢書之孟康未審即一人否

山濤傳

及羊祜執政時人欲危裴秀濤正色保持之由是失權

臣意

按泰始初羊祜為尚書右僕射故云執政也

祜傳云王佑賈充裴秀前朝名望祜每讓不處其右

此傳所言似秀之危出於祐意且以權臣目祐與彼傳殊相矛盾矣羊公盛德何至有此

王戎傳

父渾涼州刺史 同時有兩王渾一太原人一琅邪人樂廣傳

值世道多虞朝章紊亂清已中立任誠保素而已 按

趙王倫之篡位廣與滿奮崔隨進璽綬於倫可謂之清已中立乎

崔洪傳

薦雍州刺史卻詵代已爲左丞 按卻詵傳洪薦詵爲

左丞累遷雍州刺史據此傳似先爲刺史而後爲左

丞矣

李重傳

于時內官重外官輕兼階級多重議之見百官志

按晉書有職官志不稱百官志且亦不載李重之議又司馬彪傳泰始初武帝親祠南郊彪上疏定議語在郊祀志攷晉書不立郊祀志惟有禮志亦不載彪議也張亢傳領佐著作述歷贊一篇見律歷志今志初無其文摯虞傳表論封禪見禮志又議玉輅兩社事見輿服志今攷禮志載衛瓘等奏請封禪表列諸

臣名初不及虞若玉略之議則輿服志亦無之惟兩社議見于禮志朕亦非輿服志也蓋自唐以後修史不出一人之手志傳之文不相檢照至於如此敬播諸臣未免失其職矣

阮籍傳

景元四年冬卒 嵇阮歿于魏世又非佐晉勦業如魏荀彧宋劉穆之之比系之晉史義例安在

劉伶傳

劉伶字伯倫 劉知幾曰舊晉史本無劉伶畢卓傳皇
家新撰以補前史所闕

皇甫方回傳

王敦遣從弟廙代陶侃廙既至荆州大失物情百姓叛廙迎杜弢 按陶侃傳敦留侃不遣左轉廣州刺史以王廙為荆州侃之佐吏將士詣敦請留侃敦怒不許侃將鄭攀蘇溫馬儁等不欲南行遂西迎杜曾以距廙王廙傳王敦左遷陶侃使廙代為荆州將吏馬儁即馬儁鄭攀等上書請留侃敦不許廙為俊等所襲奔於江安賊杜曾與俊攀北迎第五猗以距廙杜曾傳王廙為荆州刺史曾距之以三傳參攷則荆州將吏距王廙迎杜曾乃在廙未到州之先且所迎者杜

曾非杜弼也

東晉傳

漢太子太傅疎廣之後也王莽末廣曾孫孟達避難自東海徙居沙鹿山南因去疎之足遂改姓焉 說文疎從流從疋以疋得聲隸變疎為疎與東縛之東本不相涉疋古胥字古人胥疎同聲故從疋聲也疎之改束自取聲相轉如耿之為簡奚之為嵇耳唐人不通六書乃有去足之說

其紀年十三篇記夏以來至周幽王為犬戎所滅以事接之身上當有晉字刊本脫三家分仍述魏事至安釐王之二

十年 今世所傳竹書紀年起黃帝而此云夏以來然則黃帝至唐虞事出于後人附益非汲冢之舊矣紀年附注相傳出於沈約然梁書南史約傳備載所撰述初不及此書隋經籍唐藝文志載紀年或云十二卷或云十四卷俱不言約有附注則附注亦非休文所作也

郤詵傳

郤詵字廣基濟陰單父人也 按郤从谷谷與膝同漢隸从谷旁者或變為彡故郤或作郤與从希之郤音義全別今晉書刊本郤字亦譌為郤而郤郤二姓遂

溷而無別今攷定望出河南濟陰者讀如隙郤正郤
詵是也望出山陽高平者讀如締郤慮郤鑿是也陸
魯望詩一段清光染郤郎此用郤詵事當爲仄音而
黃伯思譏其誤讀又不然矣

陸雲傳

成都王穎表爲清河內史 晉時郡置太守王國則置

內史行太守事狀名稱宰相亂如陸雲稱清河內史

亦稱太守陸氏異林桓彝稱宣城內史成帝紀及本傳亦稱太守

桓溫蘇峻諸傳蘇峻稱歷陽內史本傳亦稱太守成帝紀孫默稱

琅邪太守元帝紀亦稱內史石勒載記郗存稱武邑內史亦

稱太守邵續傳周廣稱豫章內史元帝紀亦稱太守華軼傳

王曠稱丹陽太守陳敏傳亦稱內史顧榮傳王承稱東海

太守王湛傳亦稱內史名士傳

夏侯湛傳

乃作昆弟誥 夏侯孝若昆弟誥模擬尙書乃王莽字

文泰大誥之流詞最淺劣不知史家何以錄之

潘岳傳

謚二十四友岳爲其首 按二十四友姓名已具賈謚

傳而石崇潘岳劉琨諸傳又及之無怪乎叢冗之譏

矣况謚傳二十四人以石崇爲首亦自相矛盾

文是

晉書四

七

江統傳

建武中以馬援領隴西太守討叛羌徙其餘種子關中

居馮翊河東空地按後漢書西羌傳徙置天水隴

西扶風三郡與此異

故何熙梁觀戎車屢征觀當作謹

由是於彌扶羅求助于漢彌字衍於扶羅卽劉元海

之祖也

羅憲傳

師事譙周周門人稱爲子貢事亦見文立傳

追封西鄂侯三國志注引襄陽記云晉王拜憲凌江

將軍封萬年亭侯泰始元年改封西鄂縣侯此傳云

追封者誤也

羅尙傳

太康末爲梁州刺史李特載記作涼州

又攻尙於成都尙退保江陽以李特載記攷之尙無

退保江陽之事

荊州刺史宗岱惠帝紀及李特載記竝作宋岱

乃使兵曹從事任銳僞降李特載記作任明蜀錄作

任叡子謂當以叡爲本名晉人避元帝諱易之銳取

同音明取同義也

文是

晉書四

七

俄而尙卒雄遂據有蜀土 惠帝紀雄自郾城攻尙尙委城而退李雄載記亦云尙留牙門羅特固守尙委城夜遁蓋尙之棄成都在李雄嗣立之後可證前此未嘗退保江陽也

汝南王亮傳

西晉之政亂朝危雖由時主然而煽其風速其禍者咎在八王故序而論之 按晉史以汝南王亮楚王瑋趙王倫齊王冏長沙王乂成都王穎河閒王顒東海王越八人總爲一傳不與宣文武諸子同篇蓋因晉時有八王故事一書隋志不言撰人劉孝標注世說屢引之故取其名

然於勸善懲惡之旨殊未當也趙王倫晉之亂賊當與桓元同科齊王冏起義討倫雖以驕溢致敗較諸成都河閒東海之大失臣節者不可同年語矣史乃以趙倫齊冏竝稱何其不分皁白乎汝南王亮爲賈后所害本無大過亦不當以煽風速禍責之

牽秀傳

武邑觀津人 按武邑觀津二縣皆屬安平國志不載分置武邑郡事然卻續傳先稱兄子武邑內史存後稱帝假存武邑太守則當時固有武邑郡矣賈謐傳稱安平牽秀則舉其故郡而言

劉琨傳

琨乃說冀州刺史溫羨使讓位于虓 惠帝紀范陽王
虓逐冀州刺史李義今以溫羨及琨傳證之虓所代
者實溫羨非李義也

匹磾從弟末波 段匹磾邵續傳作末杯杯波聲相近
譯音無定字也

祖納傳

平北將軍王敦聞之遺其二婢 按王敦未嘗為平北
將軍傳誤也此事見世說德行篇但云王平北不著
其名劉孝標注以為王父也 王衍傳父又為平北將軍 世說稱王

敦必云王大將軍晉史好采世說豈此例尙未之知

邪

李矩傳

聰因憤恚發病而歿 是時劉聰強盛小挫未至大創
何至憤恚而歿此夸大之詞不足信

段匹磾傳

東郡鮮卑人 郡當作部

父務勿塵 北史徒河傳作務日塵古讀勿如沒與日
聲相近

以務勿塵子疾陸眷襲號 石勒載記及北史並作段

就六眷就疾聲相近故下文亦稱就陸眷

魏浚傳

東郡東阿人也 地理志東阿屬濟北國

清河王遐傳

四子覃籥銓端 懷帝紀立豫章王詮為皇太子即銓

也偏旁小異

吳王晏傳

乃貶為賓徒縣王後徙封代王倫誅詔復晏本封 按

帝紀永寧元年六月復封賓徒王晏為吳王不見徙

封代事賓徒縣屬昌黎郡

東海王沖傳

其以小晚生奕繼哀王為東海王 按哀王沖於明帝

為昆弟今成帝以己子繼之於哀王為大父行故有

小晚生之稱也琅邪王煥元帝子而元帝令云晚生

矇弱是晉人呼其子為晚生之證也海西公紀不言

繼哀王事此史文之漏

王導傳

四錄京王事此史文之補
魏郡人判其千為魏坐之
魏郡西公略不言
吳小魏坐之蘇也魏王
魏元帝千而元帝命云
魏坐乃欲具策今魏帝以
日千魏之故京王欲大
父許姑許其以小魏坐
爽魏京王欲東魏王
魏京王中魏即帝
東魏王中魏從縣屬
魏京王

晉書五

廿二史攷異廿二

錢大昕學

王導傳

桓彝初過江見朝廷微弱謂周顛曰我以中州多故來
此欲求全活而寡弱如此將何以濟憂懼不樂往見
導極談世事還謂顛曰向見管夷吾無復憂矣 按
溫嶠傳亦云江左草創綱維未舉嶠殊以為憂及見
王導共談歡欣曰江左自有管夷吾吾復何慮此一
事而傳聞異辭也裴秀傳末云王導為司空既拜嘆
曰裴道期劉王喬在吾不得獨登此位劉隗傳末云

晉書五

王導初拜司徒謂人曰劉王喬若過江我不獨拜公也此一事而重出也丁潭傳云王導嘗謂孔敬康有公才而無公望丁世康有公望而無公才虞驥傳又云王導嘗謂驥曰孔愉有公才而無公望丁潭有公望而無公才此亦一事而重出也齊王攸傳攸薨帝哭之慟馮統侍側曰齊王名過其實而天下歸之今自薨隕社稷之福也陛下何哀之過帝收淚而止馮統傳帝聞攸殞哀慟特深統侍立因言曰齊王名過於實今得自終此乃大晉之福陛下何乃過哀帝收淚而止此亦一事而重出也

溫嶠傳

右鎮將多不領州皆以文武形勢不同故也宜選單車刺史別撫豫章專理黎庶 按刺史不督軍者謂之單車刺史南齊書百官志晉太康中都督知軍事刺史治民各用人惠帝末乃并任非要州則單爲刺史隋書百官志其庶姓爲州若無將軍者謂之單車刺史是也攷之晉初羊祜以車騎將軍都督荊州諸軍事而別有荊州刺史楊肇王渾以安東將軍都督揚州諸軍事而別有揚州刺史應綽及周浚山簡以征南將軍都督荆湘交廣四州諸軍事而別有荊州刺

史王澄王浚以寧朔將軍都督幽州諸軍事而別有幽州刺史石堪此都督與刺史竝置之證也南渡以後都督例領本州刺史其兼督它州則視權任之輕重而損益焉亦有都督而非刺史者如紀瞻以鎮東長史加揚威將軍都督京口以南至蕪湖諸軍事應詹以南平太守督南平天門武陵三郡軍事李矩以滎陽太守都督河南三郡軍事桓豁以新野義成二郡太守督河中七郡軍事謝琰以會稽內史都督五郡軍事桓伊以淮南太守督豫州之十二郡揚州之江西五郡軍事是也朕事權較之刺史輕矣

劉隗傳

謹按行督運令史淳于伯刑血著柱遂逆上終極柱末二丈三尺 郭璞傳作丞相令史蓋本丞相府之令史以督運獲罪也

郭璞傳

身與鬼并精見二午 按遯為乾宮二世卦六二丙午九四壬午二爻俱變故云精見二午也世為身午火為官鬼故云身與鬼并也遯之蠱蠱九二辛亥亥水克午火故有被創之象

又歲涉午位金家所忌 是歲歲在壬午晉以金德王

金畏火故忌午

庾冰傳

以本號除都督江荆寧益梁交廣七州豫州之四郡軍事領江州刺史按晉自南渡以後僑立豫州諸郡於江淮之間故江州刺史常兼督豫州諸郡謝尚傳庾冰薨復以本號督豫州四郡領江州刺史哀帝紀興寧三年二月以桓冲監江州荆州之江夏隨郡豫州之汝南西陽新蔡潁川六郡軍事江州刺史桓嗣傳冲既代豁西鎮詔以嗣督荆州之三郡豫州之四郡軍事江州刺史桓伊傳桓冲卒遷都督江州荆州

十郡豫州四郡軍事江州刺史王恭傳會稽王道子以其司馬王愉為江州刺史割庾楷四郡使愉督之何無忌傳義熙二年遷都督江荆二州江夏隨義陽綏安豫州西陽新蔡汝南潁川八郡軍事江州刺史所云豫州四郡者西陽新蔡汝南潁川也四郡之中惟西陽為豫州舊郡西陽縣漢屬江夏郡隸荊州魏晉分置弋陽郡改屬豫州其餘皆僑置也

桓彝傳

嘗過輿縣縣宰東海徐寧傳末又附徐寧事凡百二十言與此略同若於此文竟歷顯職之下增入八字

云終左將軍江州刺史而後條則盡芟之則文省而
事亦無漏矣

桓豁傳

溫既內鎮以豁監荆揚雍州軍事領護南蠻校尉荆州
刺史以本紀攷之是時豁所監者僅揚州之義成
雍州之京兆二郡非盡督揚雍二州傳所書意在省
文而不知非其實也其後進監寧益軍事又進督交
廣并前五州軍事及其卒也紀但書都督荆梁寧益
交廣六州諸軍事不及雍揚者以所督止兩郡也豁
不載進督梁豁卒以其弟冲代之傳稱都督江荆梁
州蓋史失之

益寧交廣七州揚州之義成雍州之京兆司州之河
東軍事而本紀但云都督荆江梁益寧交廣七州諸
軍事不及揚雍司三州是其例也地理志孝武始於
襄陽僑立雍州仍立京兆始平扶風河南廣平義成
北河南七郡桓宣傳宣與李陽平襄陽陶侃使宣鎮
之以其淮南部曲立義成郡此義成京兆兩郡得在
荆州界內也義成本以淮南人戶立故繫之揚州

桓冲傳

遷督荆州之南陽襄陽新野義陽順陽雍州之京兆揚
州之義城當作七郡軍事此所謂沔中七郡也桓

豁傳督河中七郡

遷振威將軍江州刺史領鎮蠻護軍西陽譙二郡太守
頃之進監江荆豫三州之六郡軍事 以哀帝紀攷
之六郡者荆州之江夏隨豫州之汝南西陽新蔡潁
川也當云監江州及荆豫二州之六郡軍事文義乃
安

於是改授都督徐兗豫青揚五州之六郡軍事車騎將
軍徐州刺史以北中郎府并中軍鎮京口 按本紀
寧康三年五月以中軍將軍揚州刺史桓沖爲鎮北
將軍徐州刺史鎮丹徒是時未爲車騎將軍也先是

徐兗二州刺史常以北中郎將領之或加號平北安

北將軍沖名位既重故加號鎮北

四鎮在四安四平之上

以中

軍將軍兼領鎮北將軍不別置鎮北府其北中郎府
官吏皆并入中軍府也今書改授車騎將軍則與并
中軍之文不相應又此時徐兗豫青皆無實土州所
治者揚州之晉陵耳所云六郡不知何所指也自桓
溫刁彞王坦之領徐兗二州皆鎮廣陵其軍稱徐州
刺史自沖始移鎮京口亦自沖始而京口遂專北府
之名矣嗣後王蘊代沖爲徐州刺史鎮京口謝元除
兗州刺史鎮廣陵而徐兗遂分兩鎮

謝尚傳

俄而復轉西中郎將督揚州之六郡諸軍事豫州刺史

六郡謂淮南廬江歷陽安豐堂邑宣城也

永和出為都督江西淮南諸軍事前將軍豫州刺史

鎮歷陽加都督豫州揚州之五郡軍事 前云六郡

此云五郡者不數宣城也六郡惟宣城在江東此云

都督江西淮南則宣城不在所督之內矣

謝安傳

乃以桓石民為荊州改桓伊于中流石虔為豫州 是

時桓伊為豫州刺史改除江州以石虔代之云中流

者江州介荆揚之中也狀詞意未甚明白

謂所親曰昔桓温在時吾常懼不全忽夢乘温輿行十

六里見一白鷄而止乘温輿者代其位也十六里止

今十六年矣白鷄主酉今太歲在酉吾病殆不起乎

按桓温以寧康元年癸酉薨安始代之至太元十

年乙酉祇十有三年耳

謝琰傳

至義興斬賊許允之迎太守魏郡還郡 孫恩傳作魏

偽偽與郡通本紀作魏隱隱偽聲亦相近

以琰為會稽內史都督五郡軍事 五郡者會稽新安

交吳

晉書五

七

東陽臨海永嘉也

謝元傳

進據白馬與賊大戰破之 今寶應縣西白馬湖即晉

時白馬也

進封玩豫寧伯 宋書州郡志豫章郡有豫寧縣晉武

帝太康元年更名而晉志不載据此則晉時固有豫

寧矣

桓宣傳

東府赫朕更遣猛將 此在元帝未即位以前帝以鎮

東大將軍領揚州刺史故稱東府也其後以京都所

在刺史不加征東鎮東之號而東府之名猶存故揚

州治所稱東府城也

毛穆之傳

桓沖使穆之督梁州之三郡軍事右將軍西蠻校尉益

州刺史領建平太守假節戍巴郡 梁州三郡謂巴

西梓潼宕渠也見殷仲堪傳

陳壽傳

出補陽平令 按泰始十年壽上表稱平陽侯相此云

陽平令恐誤壽為張華所知武帝之世華未為司空

傳云司空張華亦誤也

孫盛傳

祖楚馮翊太守 楚自有傳以例言之當云馮翊太守

楚之孫而刊去太原中都人一句

父恂潁川太守 孫楚傳作洵據此傳恂為潁川太守

在郡遇賊被害而楚傳云洵未仕而早終二文自相

矛盾攷之晉陽秋則潁川太守為是而名當為洵也

著晉陽秋寫兩定本寄于慕容雋 按盛以書枋頭事

忤桓温諸子私改之故與定本多不同枋頭之役在

慕容暉時雋已先歿久矣

王雅傳

東海剡人魏衛將軍肅之曾孫也祖隆後將軍 剡當

作郟攷三國志注隆為肅子虔之子則雅實肅之元

孫

王恭傳

以恭為都督兗青冀幽并徐州晉陵諸軍事平北將軍

兗青二州刺史假節鎮京口 按晉南渡已後徐兗

二州刺史或鎮京口或鎮廣陵或鎮下邳率以一人

領之太元二年以王蘊為徐州刺史鎮京口謝元為

兗州刺史鎮廣陵始分為二未幾謝兼領徐州仍合

為一朱序代謝元以青兗二州刺史鎮淮陰不帶徐

州者以會稽王道子領徐州刺史故也序既移鎮以
譙王恬爲青兗二州刺史鎮京口而兗州之名移於
江南恬卒乃以王恭代之安帝卽位道子解徐州其
刺史當卽恭兼領恭敗以劉牢之代爲都督別除謝
琰徐州刺史琰歿司馬元顯領徐州元顯爲桓元所
害乃以桓脩爲徐兗二州刺史鎮京口桓宏爲青州
刺史鎮廣陵自是徐青二州隔江分治義熙初劉裕
領徐嘗以青州刺史諸葛長民鎮丹徒宋旣受禪遂
以京口爲南徐州治廣陵爲南兗州治而二州始有
實土矣王恭出鎮之日晉陵尙屬揚州當云揚州之

晉陵史有脫文爾

初都督以北爲號者累有不祥故桓沖王坦之刁彝之
徒不受鎮北之號 按徐兗二州都督例以北爲號
故有北府之稱如褚裒號征北大將軍荀羨郗曇號
北中郎將皆卒于鎮范汪號安北將軍以罪免庾希
號北中郎將以罪誅郗愔號平北將軍亦以病去官
此皆在桓沖諸人之前者也孝武寧康元年九月刁
彝以北中郎將鎮廣陵次年正月卒其二月王坦之
以北中郎將鎮廣陵次年五月卒其月除中軍將軍
桓沖爲鎮北將軍徐州刺史鎮丹徒沖以刁王二人

皆以北爲號相繼殂殞乃辭鎮北之號仍前中軍將軍故沖傳云以北中郎府并中軍也刁彝王坦之皆爲北中郎將未嘗加鎮北之號不受鎮北者獨桓沖一人論歷官之年月則刁最在先王次之桓又次之此傳眞到錯誤以帝紀及三人傳參攷之黑白了然矣

庾楷傳

楷上疏以江州非險塞之地而西府北帶寇戎不應使倫分督是時楷以西中郎將領豫州刺史鎮歷陽攷南渡以後豫州或治歷陽或治壽春或治姑孰而

都督例以西爲號桓温傳詔以西府經袁真事故軍用不足給世子熙布三萬匹米六萬斛此稱壽春爲西府也此傳云西府北帶寇戎此稱歷陽爲西府也劉毅傳西府二局文武盈萬此稱姑孰爲西府也南史謝朓傳爲齊隨王子隆鎮西功曹轉文學因事求還道中爲詩寄西府子隆時鎮荊州則荊州亦有西府之稱矣西府北府原無定所但以當時軍府之號爲目耳

劉敬宣傳

軍次黃獸

宋書次遂寧郡之黃虎去成都五百里此

作黃獸避唐諱也南史作黃武

劉毅傳

詔以毅為都督豫州揚州之淮南歷陽廬江安豐五郡

諸軍事豫州刺史 文稱五郡而實四郡蓋脫堂邑

一郡

俄進拜衛將軍開府儀同三司 按宋書武帝紀撫軍

將軍劉毅抗表南征公與毅書止之似無進拜衛將

軍之事或進拜而辭不受也

俄進毅為都督荆寧秦雍四州之河東河南廣平揚州

之義城

當作成

四郡諸軍事衛將軍荆州刺史

按桓

沖傳稱司州之河東宋書劉道規傳稱司州之河南

則此四州下當脫司州二字

何無忌傳

義熙二年遷都督江荆二州江夏隨義陽綏安豫州西

陽新蔡汝南潁川八郡軍事江州刺史增督司州之

恒農揚州之松滋 按江夏四郡皆屬荆州當云都

督江州荆州之江夏

云云

豫州之西陽

云云

恐後人

妄改之也地理志云舊江州督荆州之竟陵郡及何

無忌為刺史表以竟陵去州遼遠去江陵三百里荆

州所立綏安郡人戶入境欲資此郡助江濱戍防以

竟陵郡還荊州又司州之恒農揚州之松滋二郡寄在尋陽人戶雜居竝宜建督安帝從之與此傳正合

張茂傳

太寧三年卒按本紀失書茂之卒通鑑太寧二年五月甲申茂薨蓋據十六國春秋之文當得其實

張駿傳

太寧元年駿猶稱建興十二年按愍帝建興元年歲在癸酉至明帝太寧元年癸未止十有一年不當稱十二年且茂傳云以太寧三年卒則太寧元年駿尙未嗣位其躋駿顯朕今據通鑑茂實以太寧二年薨

而駿嗣其位仍用建興之號則與十二年之數恰合矣此元年亦是二年之譌

又分州西界三郡置沙州東界六郡置河州按地理

志張茂以校尉玉門大護軍三郡三營爲沙州張駿

分興晉金城武始南安永晉大夏武成漢中此八爲郡

河州與此互異

張重華傳

以書誘宛成都尉宋距距當作矩忠義傳矩字處規進封福祿縣伯前已云封福祿伯此不當云進封恐重出耳

時年二十七在位十一年 按穆帝紀永和二年五月
涼州牧張駿卒子重華嗣九年十月重華卒子耀靈
嗣是重華在位僅八年耳傳云父卒時年十六今攷
重華嗣位不及十一年則所載年歲亦不足信

李嵩傳

元盛以安帝隆安四年立

是歲庚子

至宋少帝景平元年滅

是歲

癸亥據河石比二十四年

按北史武昭王以魏道

武天興二年立

當云三年此刊本之譌

後主以明元太常五年

而亡據河石比二世二十一年較之晉史相差三歲

攷元盛以晉義熙十三年薨

即魏太常二年

見安帝紀又三

年而宋受禪是歲西涼亡本傳乃云土業立年而宋

受禪此所以誤多三年也

孝友傳

顏含 琅邪莘人也

地理志琅邪無莘縣含曾孫延

之南史稱琅邪臨沂人

良吏傳

潘京

太守趙厥嘗問曰貴郡何以名武陵京曰鄙郡

本名義陵在辰陽縣界與夷相接數爲所攻光武時

移東出送

疑是遂字

得全完其議易號傳曰止戈爲武詩

稱高平曰陵於是名焉

按京所荅者委巷相傳之

言劉昭注續漢志已疑其無所據矣予攷漢志武陵郡本有義陵縣而後漢無之蓋光武時所并省其故城想在辰陽縣界因譌爲此說耳或前漢武陵郡本治義陵光武中興乃徙治臨沅故以是實其言乎
儒林傳

劉兆 濟南東平人 東平下當脫陵字濟南在青州部內故傳云兆儒德道素青州無稱其字者非兖州之東平也予向疑地理志濟南郡下有脫簡今檢解系傳及此傳則濟南有著縣有東平陵縣本書已有明證矣


有五子卓焯耀育臍 兆諸子旣無表見何必更列其名史家徵人諧牒而不加刊削往往有此失

徐邈 東莞姑幕人 按地理志姑幕屬城陽郡蓋南渡後省城陽入東莞也邈與廣兄弟各有傳則篇首敘所居郡縣當刪去其一又邈字仙民傳當書而失書

文苑傳

李充 父矩江州刺史 此又一李矩非平陽之李矩也

伏滔 平昌安邱人也 按地理志安邱屬東莞郡又



云惠帝元康十年置平昌郡亦不言所領何縣以宋志攷之則安邱平昌東武琅邪朱虛五縣皆隸平昌也又攷三國志孫禮歷平昌太守則魏時亦嘗置平昌郡

隱逸傳

孟陋武昌人也孟陋與孟嘉兄弟也一稱江夏鄙人一稱武昌人

藝術傳

戴洋王導遇病召洋問之洋曰君侯本命在申按王導傳咸和五年薨時年六十四計其生年則武帝

泰始三年丁亥歲也與本命在申之說不合

元帝將登阼使洋擇日洋以爲宜用三月二十四日景午太史令陳卓奏用二十二日言昔越王用甲辰三月反國今與此同洋曰云云乃從之今按元帝紀建武元年三月辛卯卽晉王位大赦改元以術推之是月癸未朔辛卯乃月九日也其二十四日丙午却非卽位之日又太興元年三月景辰百寮上尊號是日卽皇帝位以術推之是月丁未朔丙辰則月十日也三月無丙午日丙午乃二月二十九日與洋所言無一合者

辛德在南方西受自刑 辛與丙合丙祿在巳巳為南方

太寧三年正月有大流星東南行洋曰至秋府當移壽

陽及王敦作逆約問其勝敗 按王敦作逆及祖約

退守壽陽俱太寧二年事

佛圖澄 又令一童子絜齋七日取麻油合麤脂躬自

研於掌中舉手示童子粲狀有輝童子驚曰有軍馬

甚衆見一人長大白皙以朱絲縛其肘澄曰此即曜

也 今俗傳圓光之術蓋出於此

列女傳

在諸僞國暫阻王猷天下之善足以懲勸亦同按次附

於卷末 謂劉聰妻以下諸人也然僞僞諸國非晉

聲教所及其夫既殊而異之其妻妾又引而近之

義未安竊謂劉聰妻劉氏靳康女苻堅妾張氏苻

妻毛氏慕容垂妻張氏段豐妻慕容氏呂纂妻楊氏

呂紹妻張氏事關家國皆常見于載記張天錫妾閻

氏薛氏李元盛后尹氏亦當附書本傳惟蘇若蘭陝

婦人王廣女三人無可附麗不妨存之卷末

桓温傳

雄又與將軍桓冲戰白鹿原又為冲所破 按穆帝紀

列女傳

晉書五

七

苻雄悉眾及桓溫戰于白鹿原王師敗績此云爲桓
沖所破非其實也

溫自江陵北伐行經金城見少爲琅邪時所種柳皆已
十圍溫少時嘗爲琅邪太守宋書州郡志晉亂琅
邪國人隨元帝過江千餘戶太興三年立懷德縣成
帝咸康元年桓溫領郡鎮江乘之蒲洲上求割丹陽
之江乘縣境立郡則溫所治之琅邪在江南之江乘
金城亦在江乘今上元縣北境也溫自江陵北伐何
容取道江南邪推其致誤乃因庾信枯樹賦有昔年
移柳依依漢南之語遂疑金城爲漢南地耳不知賦

家寓言多非其實卽以此賦言之殷仲文爲東陽太
守在桓元事敗之後而篇末乃言桓大司馬聞而歎
曰豈非子虛亡是之談乎此事出世說言語篇但云
北征本無江陵字

子孟嘉 嘉不預溫逆謀非沈充於王敦可比何故附溫
傳之末當改入文苑

慕容廆載記

宇文悉獨官 北史作遜昵延
八年廆卒 史於僭僞之主皆書歿惟慕容廆姚弋仲
二人書卒以其爲晉臣也

慕容儁載記

拜儁為使持節侍中大都督都督河北諸軍事幽冀并平四州牧 穆帝紀但云幽平二州牧

苻登載記

堅之族孫也 此稱族孫而後文屢稱曾孫不可解興將歿告同成曰與卿累年共擊逆羌事終不克何恨之深可以後事付卿小弟司馬 按苻丕載記稱毛興為諸羌所殺何緣臨終付登後事一卷之申自相抵牾如此

姚萇載記

自謂以火德承苻氏木行 按魏承漢為土德晉承魏為金德苻氏稱木行者蓋以前後趙為一代當水德也

姚興載記

先是苻登使弟廣守雍子崇屯胡空堡聞登敗各棄守走登無所投據遂奔平涼 此事已見苻登載記當云苻登奔平涼

遂割南鄉順陽新野舞陰等十二郡歸于晉 按晉宋二志俱不言有舞陰郡當是姚興所立此四郡為實土餘皆僑郡也

後吳

晉書五

七

呂光載記

乾歸弟軻彈來奔 乞伏乾歸載記作軻彈

呂纂載記

道士句摩羅耆婆耆婆即羅什之別名也 句鳩聲相

近然下文又稱鳩摩羅什一篇之中名氏互異亦一

病也六朝稱僧為道人此道士當為道人之譌鳩摩羅什

傳亦云道士之操

乞伏國仁載記

置武城武陽安固武始漢陽天水略陽涇川甘松匡朋

白馬苑川十二郡 按天水略陽晉舊郡武始則張

駿所置漢陽即天水郡國仁析而二之苑川在天水

勇士縣

乞伏乾歸載記

兵猶火也不戢將自焚 按乞伏父子生長西徼不習

華書而史紀國仁言先人有奪人之心乾歸言兵猶

火也不戢將自焚又言孤違蹇叔以至於此詞人文

飾失其本真大率如此

項羽斬慶子以寧楚 慶子者卿子冠軍也史記徐廣

注卿一作慶古書慶與卿通

建安元年 建安當作隆安

馮跋載記

蠕蠕勇斛律

蠕蠕卽柔然也魏書作蠕蠕宋齊梁書

皆作芮芮周書作茹茹北史有蠕蠕傳而諸傳開有

作茹茹者蓋譯音無定字

蠕蠕斛律爲其弟大但所逐

魏書北史俱作大檀

今大魏威制六合

按燕與魏爲敵國其臣子必多指

斥之詞而北燕太史令張穆言大魏威制六合南燕

尙書潘聰言滑臺北通大魏西接強秦中書侍郎韓

範言可以西并強秦北抗大魏此皆魏史臣所改

事見魏收書潘聰韓範之語當出崔鴻十六國春秋皆魏臣也唐人修晉史不當沿

龔其文

禿髮烏孤載記

初壽闢之在孕母胡掖氏因寢產于被中鮮卑謂被爲

禿髮因而氏焉

按禿髮之先與元魏同出禿髮卽

拓跋之轉無二義也古讀輕唇音如重唇故赫連佛

佛卽勃勃髮从友得聲與跋音正相近魏伯起書尊

魏而抑涼故別而二之晉史亦承其說

此唱時時變入文音聲與魏音五叶其聲前此聲與
時變之轉無二美也古音聲韻音收重韻對赫也
衣變因而不語 變衣變之衣與衣變同出衣變明
好書圖之五平母時對五因寡齒于麻中無車時好為
衣變無底輝時 并強奈北抗大魏此皆魏史原所
纂其文 後書音聲與魏音之聲當也唐人修書史不
異

宋書一

廿二史攷異廿三

錢大昕學

武帝紀上

慶忌生陽城肅侯岑

按漢表陽城釐侯慶忌薨子颯

嗣王莽敗絕未見有名岑者殆東京紹封宗室侯之

一乎

高祖以晉哀帝興寧元年歲次癸亥三月壬寅夜生

按孝穆趙皇后傳興寧元年四月二日生高祖與紀

異

以高祖為中兵參軍軍郡如故

軍謂建武將軍郡謂

攷異

宋書一

一

下邳太守也晉自南渡以後軍府僚佐皆帶本州守相取其幹祿故高祖以北府參軍得領下邳太守及建義之後幕僚如劉穆之爲錄事參軍堂邑太守徐羨之除琅邪內史仍爲從事中郎劉懷慎爲鎮軍參軍彭城內史劉粹爲鎮軍參軍沛郡太守孟懷玉爲鎮軍參軍下邳太守高祖時領徐州刺史諸人所領皆徐州郡也文帝以西中郎將鎮荊州張邵爲司馬領南郡相謝晦爲荊州刺史請庾登之爲長史南郡太守南郡荊州治也張茂度爲司馬休之平西司馬河南太守休之爲荊州刺史而河南亦僑立于荆部

也始興王濬鎮湘州以庾炳之爲司馬領長沙內史羊希爲廣州刺史請其女夫蕭惠徽爲長史帶南海太守皆其例也亦有以幕僚而領縣令者如劉榮祖參世子征虜軍事領遂成令周顥爲益州刺史蕭惠開府主簿帶肥鄉成都二縣令齊高帝爲南兗州刺史荀伯玉爲鎮軍中兵參軍帶廣陵令梁武帝爲雍州刺史張宏策爲錄事參軍帶襄陽令也

封公第三子義隆爲北彭城縣公 史例諸帝皆不稱名而以諱字代之此紀義隆字屢見蓋校書者妄改也此書北彭城而後但書彭城蓋依永初詔書去之

增都督南秦凡二十二州 按宋武於元興三年起義
時都督揚徐兗豫青冀幽并八州又加督江州義熙
元年加督荆司梁益寧雍涼併前爲十六州二年加
督交廣二州五年加北青北徐二州八年加督湘州
至是增督南秦是爲二十二州也胡三省注通鑑不
詳攷本紀輒舉南徐南豫南兗郢以足之不知晉時
僑立諸州本無南字且其時兗豫未分爲二郢州宋
孝建中始立晉末無此州也徐州雖分爲兩然南燕
克復之後增置北徐州未嘗以京口之徐爲南徐胡
所舉皆誤也秦州僑立於漢中稱南秦者以別於仇

池之北秦晉末但稱秦州史家據宋制追稱之

又加公北雍州刺史 晉南渡僑立雍州於襄陽今將
北伐關中故遙立北雍州領之

義真旣還爲佛佛虜所追 卽赫連勃勃也古讀佛如
弼弼勃聲相近

武帝紀下

永初元年七月平西將軍乞佛熾盤 乞佛卽乞伏也
八月諸舊郡縣以北爲名者悉除寓立於南者聽以南
爲号 按義熙十二年以徐州之彭城沛蘭陵下邳
兗州之高平魯泰山諸郡封宋國此寓立於南之郡

也十三年以徐州之北琅邪北東莞北東海北譙北
梁豫州之北潁川北南頓諸郡益宋國此以北爲名
之郡也晉世僑置郡縣皆無南名州郡志稱晉明帝
立南下邳郡成帝立南沛郡又云南義陽太守晉末
以義陽流民僑立又云南河東太守晉成帝咸康三
年征西將軍庾亮以司州僑戶立諸南字皆永初以
後所加而休文追稱之非晉時已有此名也晉志元
帝以江乘置南東海南琅邪南東平南蘭陵等郡分
武進立南彭城郡明帝又立南沛南清河南下邳南
東莞南平昌南濟陰南濮陽南太平

當作南泰山南
廣平

濟陽南魯等郡皆永初以後所加唐人修晉史者誤
仞爲晉制殊憤憤矣

三年二月左衛將軍張紀爲湘州刺史 紀當作邵

少帝紀

武帝長子也 按紀傳書諸帝皆稱廟號獨此紀書武
帝者四而仍有稱高祖者又它篇例稱魏爲索虜而
此紀一云魏軍克滑臺一云魏主拓跋嗣薨全非休
文之例又如義熙十二年正月以豫章公世子爲西
中郎將豫州刺史三月除征虜將軍徐兗二州刺史
鎮京口十四年六月除中軍將軍副貳相國府皆宜

見於本紀而畧不及卷末又無史臣論其非休文書
顯然蓋此篇久亡後人雜采它書以補之故義例乖
舛如此又文帝紀首稱武帝第三子孝武帝紀稱文
帝第三子前廢帝紀稱孝武帝長子明帝紀稱文帝
第十一子後廢帝紀稱明帝長子順帝紀稱明帝第
三子以至武三王文九王孝武十四王明四
王二凶傳篇首皆稱諡餘文則仍稱廟號此於史例
殊為可議或後來校書者以意輒改非休文本意也
長沙王道憐傳稱高祖中弟臨川王道
規傳稱高祖少弟此當是休文本意

景平二年五月江州刺史檀道濟揚州刺史王宏入朝

按是時道濟為南兖州刺史非江州宏為江州刺
史非揚州也揚州治輦下時以司空徐羨之領之紀
所書皆誤

文帝紀

改授都督荆益寧雍梁秦六州豫州之河南廣平揚州
之義成松滋四郡諸軍事西中郎將荊州刺史永初
元年進督北秦并前七州又進督湘州 按宋世荆
州刺史常都督荆湘雍益梁寧南北秦八州諸軍事
惟謝晦不督梁州臨川王義慶南郡王義宣不督湘
州故但云七州 義宣後亦
進督湘州 雍州刺史常都督雍梁南

北秦四州惟劉道產止督三州不督北秦也州郡志
止有秦州無南北之分今攷秦州本治隴西晉南渡
後寄治漢中常以梁州刺史兼之是爲南秦卽志所
載秦州也仇池氏楊氏世授北秦州刺史其地不入
版圖故不載于志狀南北秦之名昉于何代史家宜
詳述之不應竟闕晉志云江左分梁爲秦寄居梁州
又立氏池爲北秦州則北秦之名東晉已有之蓋自
義熙三年授楊盛始矣南徐南兗之名皆起宋初則
秦州加南字亦必在永初以後矣

元嘉六年五月以撫軍司馬檀道濟爲益州刺史按

檀道濟時爲江州刺史未嘗除益州此當爲劉道濟

也監本作劉

九月於秦州置隴西宋康二郡劉道產傳同

按州郡志秦

州無宋康郡又紀稱元嘉九年於廣州立宋康郡是

同時有兩宋康矣

十八年省南徐州之南燕濮陽廣平郡按州郡志南

徐州有南濮陽郡不言何時省併與紀不相應志又

不載南燕郡僑立本末攷晉書謝元傳云都督徐兗

青三州揚州之晉陵幽州之燕國諸軍事燕國與晉

陵連文疑卽僑立於晉陵界虞邱進傳元興三年從定京邑除燕國內史

二十七年四月安北將軍徐兗二州刺史武陵王贊當

諱降號鎮軍將軍 按孝武紀亦云坐汝陽戰敗降

號鎮軍及以百官志證之則中鎮撫三號比四鎮班

杜四安四平之上由安北改鎮軍乃是敘遷非左降

也至次年降號北中郎將乃為真降耳

二十九年九月撫軍將軍徐兗二州刺史蕭思話加冀

州刺史兗州如故 是時冀州刺史張永失律思話

為統帥亦當任咎故解徐州除冀州刺史代永仍兼

領兗州也紀所書未核

孝武帝紀

徙都督雍梁南北秦四州荊州之襄陽竟陵南陵順陽

新野隨六郡諸軍事 南陵當作南陽

元嘉三十年六月以司州刺史魯爽為南豫州刺史

按是時無南豫州南蓋衍文也自元嘉二十二年罷

南豫州并壽陽至孝武大明三年始復分置中間無

南豫者計十年

大明五年四月雍州刺史海陵王休茂殺司馬庾深之

舉兵反義成太守薛繼考討斬之 按休茂傳繼考

為休茂盡力攻城及休茂死詐稱立義乘驛還都事

泄伏誅則繼考乃黨于休茂者紀所書誤矣南史云

參軍尹元義起義斬之爲得其實

明帝紀

泰始元年將肆梟獍之禍騁商頓之心商謂商臣頓

謂冒頓也

後廢帝紀

泰豫元年閏月割南豫州南汝陰郡屬西豫州西豫州

盧江郡屬豫州按州郡志泰豫元年以南汝陰度

屬豫州豫州之盧江度屬南豫州初無西豫之名朕

南史廬陵王義真傳稱得志日以慧琳道人爲西豫

州刺史南齊書張岱傳宋明帝初以岱堪幹舊才除

使持節督西豫州諸軍事輔國將軍西豫州刺史南

齊州郡志太祖以西豫吏民寡刻分置兩州損費甚

多又永明四年冠軍長史沈憲啟二豫分置以桑垓

子亭爲斷潁川汝陽杜南譙歷陽界內悉屬西豫廬

江居晉熙汝陰之中屬南豫求以潁川汝陽屬南豫

廬江還西豫則當時本有西豫之稱殆以壽陽故稱

西府因以西豫呼之而宋齊二志不以西豫標目者

以其未著甲令也

南齊書魚復侯子響傳前稱出爲豫州刺史後稱在西豫時

順帝紀

昇明三年正月新除給事黃門侍郎蕭諱爲離州刺史

文選

宋書一

八

謂文惠太子也約書成於永明六年其時武帝無恙而不敢斥東宮諱其於諸王則名之

二月崇太傅爲相國總百揆封十郡爲齊公 宋書稱齊高帝曰齊王武帝曰齊王世子此變其文云太傅者不得云以齊王爲齊公也下文云以中軍大將軍諱爲南豫州刺史齊公世子副貳相國亦變其文避不辭也

律志

律志序 自孟堅合律歷爲一志後之作史者皆因之休文序例不言夏分爲二則亦因固彪之舊矣此志

三卷首篇當題律歷上次篇爲中末篇爲下今以首篇爲律志下二篇爲歷上歷下蓋後人妄改非休文之旨也序爲八志總例列于卷首著作之體宜爾汲古閣本題作律志尤爲乖妄

黃初中鑄工柴玉巧有意思是形器之中多所造作協律都尉杜夔令玉鑄鐘其聲清濁多不中法數毀改作玉甚厭之謂夔清濁任意更相訴白于魏王 此魏王謂魏武也魏武當國之時安得有黃初之號蓋采三國志夔傳之文而誤會其旨也攷夔傳先云太祖以夔爲軍謀祭酒參大樂事教習講肄備作樂器後

攷異

宋書一

九

云黃初中爲太樂令協律都尉此言夔所終之官也
後又云漢鑄鐘工柴玉云云乃追敘夔造樂器時與
玉有卻而文帝愛待玉因不悅夔之由非謂鑄鐘在
黃初中也休文博識何不子細乃爾

歷志上

其冬下旬夕在張心暑也 暑也當作署之四分乾象
術俱有此文隋書刑法志晦朔八節六齊月在張心
日竝不得行刑月在張心非推步不能知故司天署
其日言于朝古人之慎刑如此

晉江左時侍中平原劉智 智字子房司空寔之弟也

仕武帝朝非江左時志誤

禮志一

書曰若稽古帝舜曰重華建皇授政改朔 攷太平御
覽八十一卷引尙書中候攷河命篇云曰若稽古帝
舜曰重華欽翼皇象又李善文選注引尙書中候云
建黃授政改朔是此一十五字皆出中候高堂隆所
引偶脫中候二字朱錫鬯欲移此文於舜典之首以
代姚方輿二十八字殆非也建皇文選注作建黃皇
甫謚謂以土承火色尙黃也此作皇疑誤

禮志二

攷異

宋書一

十

司徒長史王申 申當作甲王甲李乙丙丁皆設為姓

名

毛本作壬申尤誤
監本正作王甲

豐浴謂以香薰草藥沐浴也 周禮本作豐豐即豐之

省也薰豐聲相近

晉孝武太元元年崇德太后褚氏崩 元年當作九年

字形相涉而譌

太學博士徐恭議 晉志作徐藻

故成風顯夫人之號昭公服三年之喪 昭公徐廣傳

作僖公朕成風之夢不在僖公之世且安帝于李后

為祖母非僖公於成風之比竊謂當是文公之誤也

謂應同於為祖母後齊哀葬 徐廣傳作齊哀三年

博士邱邁之議案吳商議閏月亡者應以本正之月為

忌謂正閏論雖各有所執商議為允 此條當有脫

文商議主六月為忌未見有主七月者何云各有所

執乎

禮志五

晉武帝問侍臣旄頭何義彭推對曰秦國有奇怪觸山

戴水無不崩潰唯畏旄頭故武士服之 按史記秦

本紀文公伐南山大梓豐大特正義引錄異傳云秦

文公時雍南山有大梓樹文公伐之樹斷中有一青

牛出走入豐水中其後牛出豐水中使騎擊之不勝
有騎墮地復上髮解牛畏之入不出故置髦頭漢魏
晉因之彭推之說蓋出于此

樂志一

東平憲王蒼總定公卿之議曰宗廟宜各奏樂不應相
襲所以明功德也承文始五行武德爲大武之舞又
制舞哥一章薦之光武之廟 按范史明帝永平三
年十月烝祭光武廟初奏文始五行武德之舞不云
大武之舞東觀書載東平王蒼議雖有宜曰大武之
舞一語而下文卽云不宜以名舞其所制歌詩又仍

稱武德舞則蒼定議正謂宜名武德之舞所云廟樂
不相襲者特謂樂章不宜沿舊辭耳故明帝詔稱騾
騎將軍議可進武德之舞如故也休文似未審上下
文義雖刪取東觀書卻失東觀之旨

哥師尹胡能哥宗廟郊祀之曲 說文哥聲也古文以
爲謫字篇中樂歌字皆作哥蓋用古文

晉中書令王珉與婢有情愛好甚篤婢捶撻婢過苦
媵卽嫂字禮食三老五更于太學蔡邕以爲五更
也列子黃帝篇禾生子伯出行宿于田夏商邱開之
舍注夏當作叟莊子達生篇視其後者而鞭之崔譔

本鞭作越云匿也史記韓世家虜得韓將鯁申差于濁澤徐廣云鯁一作鯁則夏叟二文相通久矣王右軍帖亦以媵為嫂字

空侯初名坎侯言其坎坎應節奏也後言空者訛也

予謂坎空聲相近說文引詩鞀鞀舞我鞀鞀即坎坎

也而贛即从鞀得聲贛與貢通則坎之為空又何疑焉休

文精于四聲而未達聲音相轉之理故動多窒礙

天文志一

周天一百七萬一千里一度為二千九百三十二里七十一步二尺七寸四分四百八十七分分之三百六

十二 每度里步尺寸分數皆以四分舊術推之置

周天里數四因之為實千四百六十一為法如法而

一得二千九百三十二里餘數以三百乘之三百步為里也

為實如法得七十一步餘數又以六乘之六尺為步也為

實如法得二尺七寸四分又千四百六十一分之一

千八十六即四百八十七之三百六十二也分母分子皆以

三約之

則天徑三十二萬九千四百一里一百二十二步二尺

二寸一分七十一分分之十 以周百四十二徑四

十五之率求之當云徑三十三萬九千四百一里一

百二十二步三尺二寸一分七十一分分之九也此文尙有差誤

天體圓如彈丸而陸績造渾象其形如鳥卵今歐羅巴橢圓之說似出於此

劉向五紀說夏歷以爲列宿日月皆西移列宿疾而日次之宋儒言日月五星皆左旋日行速月行遲蓋本于此

按此說應作軒昂之軒而作昕所未詳也昕軒聲相近休文未悟古音故云宋詳

符瑞志下

晉成帝咸康八年廬江春穀縣留珪夜見門內有光取得玉鼎二枚按晉志春穀縣屬宣城不屬廬江蓋南渡後曾僑立廬江郡于此而史失載爾志又載穆帝永和元年廬江太守路永上言於春穀城北見水岸邊有紫赤光永和在咸康之後也又云成帝咸和元年宣城春穀縣山岸崩獲石鼎咸和在咸康之前其時春穀尙屬宣城蓋白蘇峻祖約作亂之後淮南流人始移江南此廬江置郡必於咸和四年以後矣五行志五

元帝太興初又有女子陰在腹上在揚州性亦淫京房

易妖曰人生子陰在首天下大亂在腹天下有事在背天下無後 此下又一條云晉中興初有女子其陰在腹當齊下自中國來江東性甚淫而不產京房易妖曰人生子陰在首天下大亂在腹天下有事在背天下無後此一事兩見當刪而未刪者也

州郡志一

何徐州郡 按何承天徐爰皆撰宋書竝有州郡志承天撰史在元嘉之世所撰志惟天文律歷餘皆奉朝請山謙之作也爰書起自義熙之初訖於孝武之末休文志州郡大較以孝武大明八年爲正蓋因徐氏

之舊而亦兼載宋末事然如湘州之廣興臨慶旣皆依明帝改名而汀州之晉安何以不用改名此亦自亂其例矣

揚州 丹陽尹秦鄣郡治今吳興之故鄣縣 按漢志但言故鄣郡不言秦所置裴駟注史記始以鄣郡當秦三十六郡之一此志與裴說同

海寧令孫權分歙爲休陽縣晉武帝太康元年夏名按太平寰宇記引邑圖云吳避孫休之名改爲海陽縣晉平吳之後改爲海寧縣志失書吳改名一節

南徐州 永初二年郡國志又有南沛南下邳廣平廣

陵盱眙鍾離八郡 今數之止六郡蓋脫海陵山陽

二郡

南蘭陵太守 按休文志州郡於諸州書去京都水陸若干於諸郡則書去州水陸若干去京都水陸若干唯州所治郡不云去京都水陸若干者已見於州也南徐州領郡十七南東海為州所治此外則南琅邪晉陵義興皆有實土故有水陸里數南蘭陵以下十三郡有戶口而無水陸里數者僑寓無實土也諸州皆放此

廣陵令前漢屬泗水 陵當作淩廣字衍

南彭城太守江左僑立晉明帝又立南下邳郡成帝又立南沛郡孝武以二郡竝併南彭城 按宋武帝先世彭城人過江居丹徒縣之京口里永初元年詔曰彭沛下邳三郡首事所基情義繾綣彭城桑梓本鄉加隆攸在優復之制宜同豐沛其沛郡下邳可復租布三十年此則彭沛下邳皆僑立於京口矣劉康祖彭城呂人劉毅彭城沛人劉粹沛郡蕭人史稱其家在京口孝穆趙皇后下邳僮人家亦必在京口也劉穆之秀之東莞莒人徐邈東莞姑幕人孟懷玉平昌安邱人檀韶高平金鄉人史亦言其世居京口即此

州之南東莞南平昌南高平矣僑郡無實土故不言所治

文帝八年省廣平郡為廣平縣 當云文帝元嘉十八年此脫三字

徐州 元徽元年分秦郡之頓邱梁郡之穀孰歷陽之

鄴立新昌郡 按南齊書州郡志新昌郡領頓邱穀

孰尉氏三縣無鄴縣

平昌太守後廢帝元徽元年立 平昌當作新昌

南兖州 南濮陽南泰山濟陽南魯山郡 南魯下衍

山字

永初郡國又有輿肥如路真定新市五縣竝二漢舊名

肥如屬遼西路屬上黨 路當作潞

新市永初郡國云四縣本屬遼西 新市下有脫文當

云二漢晉屬中山

孝武大明五年分廣陵為沛郡治肥如縣時無復肥如

縣當是肥如故縣處也二漢晉太康地志竝無肥如

縣 按志於廣陵郡下云肥如漢舊名屬遼西矣此

云竝無肥如者謂沛郡自漢晉以來竝無肥如一縣

非謂漢無肥如也肥如本遼西縣名因晉末僑立遼

西郡于廣陵界後經省併故廣陵得有肥如縣符瑞

志元嘉十九年廣陵肥如石梁澗中出石鐘丸口何承天修志訖于元嘉二十年其時尙有肥如故志云何有肥如新市狀則肥如之省其在拓跋南侵之後乎此條云時無復肥如者謂孝武之時廣陵已無肥如乃以其地立沛郡耳細檢此二條之文初無矛盾說者多援以爲口實是不狀矣

沛郡宜是大明五年以前省其時又立也 按徐州篇云文帝元嘉中分南沛爲北沛屬南兗而南沛猶屬南徐孝武大明四年以南沛併南彭城與此文可互證蓋當時沛郡流人或家江北或家江南初無實土

而徐州刺史亦兼領江北迨文帝分南徐南兗二州畫江爲界故以南沛之寄治廣陵者別爲北沛屬之南兗而江南之南沛仍如故也孝武時省江南之南沛而以廣陵之北沛爲南沛又分肥如地立爲郡治而南沛始有實土矣何云北沛徐云南沛各據當時之名書之其實只是一郡而休文所云大明五年以前省者乃省江南之南沛非省江北之沛也肥如今之天長縣

北淮太守宋末僑立 淮下脫陽字

兖州 永初郡國有東郡陳留濮陽三郡而無陽平郡

領白馬涼城東燕三縣 白馬三縣當屬東郡此領字上蓋脫東郡二字

州郡志二

南豫州 永初二年分淮東為南豫州治歷陽淮西為豫州 此下當有治壽陽三字

文帝元嘉七年又分五年割揚州之淮南宣城又屬焉徙治姑孰 此條當有脫文以本紀及南平王鑠傳攷之文帝元嘉七年罷南豫州并豫州十六年復分豫州之淮南為南豫州二十二年復南豫州併壽陽孝武大明三年分淮南北復置二豫州五年移南豫

州治淮南于湖縣于湖即姑孰也當云文帝元嘉七年合二豫州為一十六年又分二十二年又合孝武大明三年又分五年割揚州之淮南宣城又屬焉則首尾相應矣

泰始四年以揚州之淮南宣城為南豫州治宣城 按帝紀泰始五年分豫州揚州立南豫州蓋分豫州之歷陽揚州之淮南宣城也事見廬江王禕傳志失書歷陽郡又誤以為四年事

七年復分歷陽淮陰南譙南兗之臨江立南豫州 按本紀孝武大明七年割歷陽秦郡置臨江郡 以歷陽之烏江

秦郡之懷德二縣置前廢帝永光元年罷臨江郡此後未見復置之文

南汝陰太守江左立此汝陰治合肥本紀泰始七年妖寇宋逸攻合肥殺汝陰太守王穆之是也

南梁太守晉孝武太元中僑立於淮南此淮南謂壽春也東晉改曰壽陽避鄭太后諱向靖傳義熙八年

督馬頭淮西諸軍事龍驤將軍安豐汝陰二郡太守梁國內史戍壽陽劉粹傳永初三年督豫司雍并四

州南豫州之梁郡弋陽馬頭三郡諸軍事豫州刺史領梁郡太守鎮壽陽此梁郡僑立壽陽之證也壽春

本漢舊縣自太元移梁郡於此并立睢陽縣為治所而壽春遂不為縣名矣

安帝始有淮南故地屬徐州武帝永初二年還南豫

按太元初苻堅兵敗已復淮南其後仍沒於慕容氏至安帝義熙中劉裕平南燕淮南復入版圖志云始

有者晉自南渡以後壽陽屢復屢失至是始為晉有也此地本屬揚州江左嘗以豫州刺史鎮之義熙中

始改屬徐州宋初仍屬豫州故云還文帝元嘉二十五年以豫部蠻民立茹由樂安光城雩

婁邊城史水開化邊城七縣屬弋陽郡邊城字重

出當去其一

雩婁下邊城
兩字當刪

徐志有邊城兩領雩婁史水開化邊城兩縣此上下
兩字皆誤詳其文義謂立邊城郡領雩婁等四縣也

上兩字疑郡字之譌下兩字疑四字之譌

豫州 永初郡國何徐寄治睢陽 睢陽卽壽陽也晉

末僑立南梁郡于壽陽并置睢陽縣後乃省壽陽入

睢陽名實之混淆如此凡豫州屬郡言去州水陸若

干者皆據壽陽而言

江州 豫寧侯相漢獻帝建安中立吳曰要安晉武帝

太康元年夏名 按晉志豫章郡有豫章縣無豫寧

此轉寫之譌攷王曇首以誅徐羨之等功追封豫寧

縣侯子僧綽孫儉皆襲豫寧之封此志以豫寧爲侯

國正相符合南史僧綽及儉傳竝稱豫寧侯而宋書

僧綽傳齊書儉傳乃作豫章亦誤也南齊志豫章郡

亦有豫寧縣南史王亮封豫寧縣公裴之橫封豫寧

侯則豫寧縣名自晉訖梁未之改也要安當爲西安

之譌太平寰宇記武寧縣古西安縣也後漢建安中

分海昏立西安縣晉太康元年改爲豫寧三國志潘

璋傳遷豫章西安長是吳時縣名西安之證

南康公相 按劉穆之以佐命功追封南康郡公子孫

世襲晉宋之制郡為王國則置內史為公國則置公相其職與太守同此郡既為公國而所領南康縣又稱公相蓋其時別有封南康縣公者

南新蔡太守江左立去州水二百 晉志孝武因新蔡郡人于漢九江王黥布舊城置南新蔡郡即此郡也 元和郡縣志九江故城在黃梅縣西南七十里漢九江王黥布所築

青州 廣城令漢舊縣 當作歷城

司州 恒農領恒農陝宜陽黽池盧氏曲陽凡七縣 今數之止六縣

河內寄治河南領温野王軹河陽沁水山陽懷平皋朝歌凡十縣東京兆寄治滎陽領長安萬年新豐藍田蒲阪凡六縣合十六縣 今數之河內止九縣東京兆止五縣 州郡志三

荆州刺史漢治武陵漢壽魏晉治江陵 按魏之荆州治襄陽不能得江陵也志誤 文帝世又立宋安左郡 按司州環水縣下云宋安本縣名孝武大明八年省義陽郡所統東隨二左郡立為宋安縣屬義陽明帝立為郡而豫州蠻傳亦云世

宗初卽位西陽蠻田益之義之等起義攻郢州克之
以蠻戶立宋安光城二郡以義之爲宋安太守是宋
安郡實明帝所立矣此云文帝立宋安左郡而南豫
州光城左郡下亦云大明八年省光城左郡爲縣屬
弋陽則兩郡先已有之孝武時省爲縣至明帝而復
立也

巴東公相譙周巴記云初平六年 初平紀元無六年

巴記誤

荆州帳下司馬趙避 荆州當作益州
建議分巴郡諸縣漢安以下爲永寧郡建安六年劉璋

改永寧爲巴東郡 漢安當作安漢攷晉宋二志安

漢屬巴西不屬巴東也据華陽國志魚復朐忍諸縣
初平中始分爲固陵郡建安六年魚復蹇允白璋爭
巴名乃改固陵爲巴東若永寧之分雖與固陵同時
其後改稱巴西與巴東不相涉

汶陽太守何志新立先屬梁州 梁一作渠誤 文帝元嘉十一

年度 按南齊書蠻傳汶陽本臨沮西界二百里中
水陸迂狹魚貫而行有數處不通騎而水白田甚肥
腴桓温時割以爲郡西北接梁州新城東北接南襄
城南接巴巫狀則汶陽郡晉時已有之何承天以爲

攷異
新立者非也

南河東太守晉成帝咸康三年征西將軍庾亮以司州
僑戶立 按晉志渡江後以河東人南寓于漢武陵
郡孱陵縣界上明地僑立河東郡卽此郡也桓沖爲
荊州刺史都督司州之河東軍事亦指此宋初僑立
諸郡例加南字

湘州晉懷帝永嘉元年分荊州之長沙衡陽湘東邵陵
零陵營陽建昌江州之桂陽八郡立 按晉志湘州
始置凡九郡有始安始興臨賀而無營陽建昌與此
不合攷營陽郡晉志以爲穆帝立此志亦云江左分

零陵立則懷帝時不應有營陽矣

重安侯相 按南齊書王敬則傳始封重安縣子邑三
百五十戶後增封爲千三百戶又增至二千五百戶
又加五百戶戶增則爵宜序遷據此志有重安侯相
知敬則杜宋末已封重安侯而傳不書者漏也齊初
封敬則尋陽郡公止三千戶又知二千餘戶之必爲
侯國矣

雍州 元嘉二十六年割荊州之襄陽南陽新野順陽
隨五郡爲雍州 按隨郡本屬荊州孝武孝建元年
度屬郢前廢帝永光元年度屬雍明帝泰始五年還

屬郢改爲隨陽後廢帝元徽四年度屬司州見司州下是元嘉廿六年隨未嘗屬雍也又攷宋時雍州刺史如劉遵考劉道產蕭思話武陵王駿俱稱都督荊州之南陽竟陵順陽襄陽新野隨六郡諸軍事蓋在元嘉二十六年以前雍州未有實土也隨王誕以元嘉二十六年除刺史柳元景以元嘉末孝建初兩除刺史武昌王渾以孝建元年除刺史劉延珍以孝建二年除刺史竝云都督荊州之竟陵隨二郡諸軍事不及南陽等四郡者已杜雍州管內也而隨郡仍繫之荊州可證元嘉時隨未嘗屬雍矣至大明二年除海陵

王休茂五年除永嘉王子仁及劉秀之八年除晉安王子勛竝稱都督郢州之竟陵隨二郡則此二郡孝武時屬郢州之證也及前廢帝永光元年五月割郢州隨郡屬雍州自後湘東王彧沈攸之除雍州刺史但云都督郢州之竟陵不言隨郡至明帝泰始五年四月隨郡又改屬郢州故張興世傳復云都督郢州之竟陵隨二郡也袁顛以永光元年九月張永以泰始四年除刺史本傳稱都督郢州之竟陵隨二郡巴陵王休若以泰始二年除刺史本傳稱都督荊州之竟陵隨二郡皆誤

汎陽令晉武帝太康五年立屬南鄉仍屬順陽 按晉

志順陽郡無汎陽

華山太守胡人流寓孝武大明元年立 按梁書康絢

傳宋永初中康穆舉鄉族三千餘家入襄陽之峴南

宋為置華山郡藍田縣寄居于襄陽是華山立郡不

始于孝武也孝武始分實土郡縣以為僑郡縣境故

史以為孝武所立

州郡志四 寧州 南廣太守晉懷帝

寧州 南廣太守晉懷帝一本作武分朱提立二據晉

書王遜傳分朱提為南廣亦遜所請也

西平太守晉懷帝永嘉五年寧州刺史王遜分興古之

東立何志晉成帝立非也 按王遜傳不言分立西

平郡華陽國志西平郡刺史王遜時爨量保盤南遜

出軍攻討不能克遜夢後刺史尹奉募徼外夷刺殺

量盤南平乃割興古雲南之盤江南如南零三縣為

郡是西平非遜所分矣

東河陽太守晉懷帝永嘉五年寧州刺史王遜分永昌

雲南立 按王遜傳不言分立東河陽郡

梁水太守晉成帝分興古立 按王遜傳遜以地勢形

便上分永昌為梁水郡此云晉成帝立又以為分興

古地皆不合洪亮吉曰案水經注劉禪分興古之盤南置郡於梁水縣則蜀時已有此郡東

晉復立耳

百官志上

魏及晉西朝置十九人江左初減為九人皆不知掌何經按魏晉十九博士固無可攷若江左之九人則禮志載太興初議欲修立學校唯周易王氏尚書鄭氏古文孔氏毛詩周官禮記論語孝經鄭氏春秋左傳杜氏服氏各置博士是也論語孝經合置博士一人何云不知所掌乎

百官志下

寧朔至五威五武將軍 五威者建威振威奮威揚威廣威也五武者建武振武奮武揚武廣武也寧朔將軍班杜五威五武之上而前卷敘列將軍獨遺之此傳寫偶脫一行耳南齊志寧朔將軍列于輔國之後據此志官品先後次之似寧朔當在龍驤之後矣

刊本之誤

大興長公士

直書名休

主諱英

文選

宋書一

三

立耳

百官志上

魏及晉西

源按

魏州志

[Faded bleed-through text from the reverse side of the page]

宋書二

廿二史攷異廿四

錢大昕學

后妃傳

少帝司馬皇太妃 以前廢帝何皇后後廢帝江皇后

例之當稱司馬皇后目錄亦書皇后而傳作太妃必

刊本之譌

吳興長公主諱榮男 史家之例惟帝后書諱諸王皆

直書名休文此傳云吳興長公主諱榮男臨川長公

主諱英媛豫章康長公主諱欣男新蔡公主諱英媚

皆以公主而稱諱非禮也公主可以不名即欲名之

宋書二

宋書二

一

當如本傳會稽宣長公主興弟義興恭長公主惠媛
東陽獻公主英娥之例不應自亂其法南史因休文
元文不加刊削均失之矣

劉穆之傳

臣契闊屯泰旋觀始終 按契闊字見於詩擊鼓篇毛
傳云契闊勤苦也六朝人好用此二字如王宏傳綢
繆先眷契闊屯夷范泰傳契闊戎陣顛獯艱危王僧
達傳契闊歷朝綢繆眷遇顏師伯傳契闊大難宜蒙
殊報劉延孫傳契闊唯舊幾將二紀南齊書褚淵傳
契闊屯夷綢繆終始王儉傳契闊艱運義重常懷皆

取勤苦之義

王宏傳

奏彈謝靈運曰世子左衛率康樂縣公謝靈運力人桂
興淫其嬖妾殺興江涘棄尸洪流請以見事免靈運
所居官 按靈運傳遷相國從事中郎世子左衛率
坐輒殺門生免官卽其事也六朝人所謂門生卽僮
僕之屬狀徐湛之傳門生千餘人皆三吳富人子姿
質端妍衣服鮮麗每出入行遊塗巷盈滿泥雨日悉
以後車載之靈運傳又云奴僮旣衆義故門生數百
則門生與僮奴亦自有別南史王琨傳琨爲吏部郎

吏曹選局貴要多所屬請現自公卿下至士大夫例
爲用兩門生王思遠傳內外要職竝用門生陸慧曉
傳王晏選門生補內外要局是門生亦有入官之路
高於僮僕一等也

檀道濟傳

以建義勲封吳興縣五等侯 按五等之封但假虛號
未有戶邑蓋出一時權宜之制如長沙王道憐初封
新興縣五等侯後封新渝縣男食邑五百戶檀道濟
初封吳興縣五等侯後封作唐縣男食邑四百戶王
鎮惡初封博陸縣五等子後追封漢壽縣子食邑五

百戶向靖初封山陽縣五等侯後封安南縣男食邑
五百戶劉粹初封西安縣五等侯後封澠陽縣男食
邑五百戶孟龍符初封平昌縣五等子後封臨沅縣
男食邑五百戶劉鍾初封安縣五等侯後封永新縣
男食邑五百戶虞邱進初封龍川縣五等侯後封望
蔡縣男食邑五百戶胡藩初封吳平縣五等子後封
陽山縣男食邑五百戶是五等侯尙在縣子縣男之
下也

又增督青州徐州之淮陽下邳琅邪東莞五郡諸軍事
文云五郡而實四郡當有脫誤謝晦傳稱青州徐

州之淮陽下邳琅邪東莞七郡七字亦誤

遷都督江州之江夏豫州之西陽新蔡晉熙四郡諸軍事征南大將軍江州刺史 江州下當有荊州二字是時江夏屬荊州孝武紀稱荊州之江夏是也

謝晦傳

及同黨庾登之孔延秀周超等竝伏誅 按下文云庾登之殷道鸞何承天竝皆原免則登之實未誅也

王鎮惡傳

索虜野坂戍主異菑公 異當作黑黑菑公卽于栗磾也栗磾爲河內鎮將好操黑菑以自標宋武帝與之

書題曰黑菑公麾下魏因拜爲黑菑將軍菑菑聲相近亦卽梨字

檀韶傳

高平金鄉人也 韶與弟祇道濟三人各有傳傳首皆云高平金鄉人王宏與弟曇首曇首子僧綽宏子僧達各有傳傳首皆云琅邪臨沂人謝瞻與弟晦謝宏微與子莊各有傳傳首皆云陳郡陽夏人劉懷肅與弟懷慎各有傳傳首皆云彭城人顏延之與子竣各有傳傳首皆云琅邪臨沂人袁淑與兄子顗粲各有傳傳首皆云陳郡陽夏人此類甚多刪而存其一可

矣

都邑既平為鎮軍將軍加寧遠將軍 是時宋武帝為
 鎮軍將軍詔為其府參軍不當云為鎮軍將軍也依
 史例當云轉鎮軍參軍此傳寫之譌非史本文之誤
 寧遠則雜號將軍班秩本卑故詔以參軍得帶之
 遷龍驤將軍秦郡太守北陳留內史 按向彌檀詔檀
 祇竝除秦郡太守北陳留內史虞邱進亦除秦郡太
 守督陳留郡事而彌有戍堂邑之文則北陳留與秦
 郡皆僑治堂邑矣州郡志秦郡有尉氏縣又稱承初
 郡縣領平邱外黃離邱浚儀諸縣此皆陳留縣名可

證晉末本有陳留郡殆義熙九年土斷僑流郡縣時
 并入秦郡也

向靖傳

名與高祖同 宋帝王父名靖當云名與高祖祖諱
 同

劉懷慎傳

仍督江北淮南諸軍事前將軍南晉州刺史 晉當作
 青是歲青州刺史檀祇卒於廣陵故以懷慎代之
 高祖遷都壽春 晉書恭帝紀元熙元年八月劉裕移
 鎮壽陽即其事也宋雖建國猶杜臣位不當遽云遷

都

劉粹傳

封澠縣男

袁廷檣曰澠下脫陽字州郡志江夏郡有

澠陽縣徐羨之傳作澠陽縣男

孟懷玉傳

義熙八年遷江州刺史尋督江州豫州之西陽新蔡汝

南潁川司州之松滋六郡諸軍事

庾悅傳亦云六

郡今數之止五郡且松滋郡屬揚州不屬司州蓋有

脫文也攷義熙初何無忌都督江州表稱司州之恒

農揚州之松滋二郡寄在尋陽人戶雜居竝宜建督

安帝從之庾悅承無忌之後而懷玉繼之皆兼督恒

農松滋二郡并豫州四郡故云六郡傳文當云司州

之恒農揚州之松滋今本脫去五字耳義熙土斷以

後省恒農松滋二郡皆為縣屬尋陽故檀韶王宏鎮

江州但云督豫州之西陽新蔡二郡不更言恒農松

滋也

朱齡石傳

臧熹敬皇后弟咸服高祖之知人

南史臧熹敬皇后

弟也亦命受其節度及戰剋捷衆咸服帝知人此文

敬皇后弟下當有脫文

尋進監益州巴西梓潼宕渠南漢中秦州之安固懷寧
六郡諸軍事 按巴西以下四郡晉時屬梁州宋元
嘉以後始改隸益州齡石時為益州刺史而兼監梁
州之四郡秦州之二郡故云六郡也益州當為梁州
州下脫之字以吉翰張茂度傳證之可見

安固懷寧二郡晉書

地理志俱失載

傅宏之傳

晉武帝太康三年復立靈州縣 按晉志北地無靈州
縣

垣護之傳

以為督冀州之濟南樂安太原三郡諸軍事寧遠將軍

冀州刺史 是時冀州寄治歷城領廣川平原清河

樂陵魏郡河間頓邱高陽勃海九郡而濟南樂安太

原三郡乃杜青州管內

太原郡寄治濟南太山境內

常以冀州刺

史兼督之張永申恬傳竝云督冀州青州之濟南樂

安太原三郡諸軍事冀州刺史可證也此冀州下當

有青州二字

俄遷大司馬輔國將軍領南東海太守 大司馬下當

有脫文是時江夏王義恭以大司馬領南徐州刺史

除護之為大司馬僚佐兼郡守非遷大司馬也

進督徐州之東莞關二郡軍事 時護之以青冀二州
刺史鎮歷城故事青州刺史常兼督徐州之東安東
莞二郡則此闕文當爲東安二字

宗室傳

長沙王道憐 時北青州刺史劉該反 按此時青州
之地尙爲慕容氏所據北青州當僑立於徐州境
代諸葛長民爲并州刺史義昌太守 按晉末僑置并
州於江北義熙初劉道規除督淮北諸軍事并州刺
史義昌太守道規移鎮江州而諸葛長民代之長民
移青州因以道憐代之但假以軍號仍領石頭戍也

晉書長民傳不云爲并州刺史蓋史之闕漏永初元年省并

州入南兗

臨川王義慶 元嘉十六年改授都督江州之西陽晉
熙新蔡三郡諸軍衛將軍江州刺史 當云豫州之
西陽晉熙新蔡史脫豫州二字

庾悅傳

盧循逼京都以爲督江州豫州之西陽新蔡汝南潁川
司州之松滋六郡諸軍事建威將軍江州刺史 司
州下有說文當云司州之恒農揚州之松滋也一本
六郡作五郡蓋校書者不知史有脫字而以意改之

耳

褚叔度傳

出為使持節監雍梁南北秦四州之南陽竟陵順陽義

陽新野隨六郡諸軍事征虜將軍雍州刺史 是時

南陽六郡皆屬荊州志於四州下脫去荊州二字

子暉一作授尚太祖第六女琅邪貞長公主 按后妃傳

王藻尚太祖第六女臨川長公主諱英媛藻下獄死

主再適豫章太守庾沖遠未及成禮而沖遠卒琅邪

臨川俱稱第六女恐有一誤

張永傳

永及申坦竝為統府撫軍將軍蕭思話所收繫于歷城

獄 時永為冀州刺史而思話以徐兖二州刺史持

節監徐兖青冀四州故云統府褚叔度傳交州刺史

杜慧度以事言統府時叔度以廣州刺史都督交廣

二州也

起永督青州之東安東莞二郡諸軍事輔國將軍青州

刺史 按東安東莞二郡屬徐州不屬青州當云督

青州徐州之東安東莞二郡史脫徐州二字以杜驥

顏師伯傳證之可知也一本作樂安東萊兩郡元杜

青州管內何須更書此校書者以意妄改耳

臧燾傳

子寅尚書主客郎徐羨之征西功曹為攸之盡節事杜攸之傳 徐羨當作沈攸攸之傳所載功曹臧寅即其人也 寅與寅同 休文為齊臣故於袁粲沈攸之皆以反叛書而臧寅為攸之盡節特書以美之直道之在人 心不可泯也

徐廣傳

廣子豁杜良吏傳 按良吏傳豁乃廣兄子晉太子右衛率邈之子也史脫兄字

傅隆傳

遷御史中丞 按南齊書陸澄傳云宋世左丞羊元保彈豫州刺史管義之譙梁羣盜免義之官中丞傅隆不糾亦免隆官此傳不載免官事殆糾而未行也

范泰傳

順陽山陰人也 按州郡志順陽無山陰縣梁書范雲范縝傳竝云南鄉舞陰人南鄉與順陽本一郡似山陰當為舞陰之譌而州郡志舞陰屬南陽不屬順陽未詳其故

穎川陳載已辟太保掾而國子取為助教即太尉淮之弟 淮當作準史家避順帝諱改準為淮因譌為淮

耳荀伯子傳故太尉廣陵公陳淮亦準之譌

荀伯子傳

故太保衛瓘本爵蕭陽縣公 蕭陽晉書作菑陽攷晉

書地理志不見此二縣名

武三王傳

義宣別有傳 義宣上當有義康二字

廬陵王義真 乃以義真行都督雍涼秦三州之河東

平陽河北三郡諸軍事安西將軍雍州刺史 按晉

志河東平陽二郡屬司州河北縣本屬河東郡蓋是

時析置為郡也三州下當有司州二字 毛德祖督司州之河東平

陽河北見索虜傳

又進督并東秦二州司州之東安定新平二郡諸軍事

領東秦州刺史 按東安定新平二郡暫置旋失故

不見於州郡志然攷晉志安定新平皆雍州屬郡而

營浦侯遵考傳云長安平定以督并州司州之北河

東北平陽北雍州之新平安定五郡諸軍事則此二

郡當屬雍州非司州矣彼傳云五郡而數之止四郡

蓋脫一郡以此傳前後文參證之則所脫者即河北

郡也

王華傳

以長弟終紹封 南史終作佟

何尚之傳

孟顛字彥重本昌安人 按武帝紀稱平昌孟昶族

弟懷玉傳云平昌安邱人南史謝靈運傳附見孟顛

事亦云平昌安邱人此本字當為平之譌安下又脫

邱字

顛之尚太祖第四女臨海惠公主 按趙倫之傳倫之

孫倩尚文帝第四女海鹽公主與臨海未審卽一人

否或與趙離婚之後再嫁何氏又進封臨海也

謝靈運傳

申譖事於周王 譖當作讚申伯食采於謝為謝氏得

姓之始故引詩亶亶申伯王纘之事

造步兵而長想 步兵當作步邱

作山居賦并自注以言其事 按宋世文士以謝顏為

首故各立專傳而靈運傳載其兩賦山居一篇并自

注亦詳載之休文之傾倒於謝至矣此例前史未有

繼之者張淵之天象顏之推之觀我生十七史中唯

此三賦有注耳

兩習通沼 習字不見字書訪之通人亦無知者

武二王傳

南郡王義宣 元嘉十三年出都督江州豫州之西陵
晉熙新蔡三郡諸軍事鎮南將軍江州刺史 西陵
蓋西陽之譌州郡志西陽本屬豫州孝武孝建元年
度郢州明帝泰始五年又度豫後又還郢攷漢之西
陽在淮水之南卽今光山縣地晉南渡後荊州刺史
庾翼表移西陽新蔡二郡荒民就陂田于尋陽而江
州界內遂有僞立之西陽郡矣自後西陽與新蔡汝
南潁川謂之豫州四郡江州刺史常兼督之義熙土
斷省汝南潁川兩郡又分廬江立晉熙郡故曰義熙
十二年訖元嘉之末除江州督者必兼督豫州之西

陽新蔡晉熙三郡也孝武之世晉熙王昶晉安王子
勛始安王休仁除江州刺史則云都督郢州之西陽
豫州之新蔡晉熙三郡其時西陽已度郢州矣王景
文以泰始二年除刺史西陽尙屬郢州及泰始六年
桂陽王休範出爲都督江郢司廣交五州豫州之西
陽新蔡晉熙湘州之始興四郡諸軍事江州刺史則
西陽仍屬豫州也元徽元年晉熙王燮爲使持節監
郢州豫州之西陽司州之義陽二郡諸軍事郢州刺
史其時西陽尙屬豫州而却杜郢州部內矣

沈攸之傳

今遣新除使持節督郢州之義陽諸軍事平西將軍郢州刺史黃回 按黃回傳督郢州司州之義陽諸軍事此脫司州二字

柳元景傳

除寧朔將軍京兆廣平二郡太守於樊城立府舍率所領居之 時京兆廣平二郡皆僑治襄陽

沈慶之傳

領軍將軍劉湛之 之字衍下文及湛之被收同

蕭思話傳

聚黨於東莞發干縣 按州郡志發干屬東安不屬東

莞

南漢中太守蕭諱 此傳稱蕭諱者齊高帝之父承之追諡宣帝者也略陽清水氏傳思話使司馬蕭諱先驅進討亦謂承之

文五王傳

廬江王禕 都督廣交二州荊州之始興臨安二郡諸軍事平越中郎將廣州刺史 按臨安非郡名當云

荊州之始興臨賀始安三郡傳寫脫誤耳州郡志於始興臨賀始安郡並云晉成帝度荊州宋元嘉二十九年度廣州據此傳知元嘉二十九年特以廣州刺

史兼督此三郡其地猶屬荊州也

孝武十四王傳

始安王子真 監廣交二州始興始安臨賀三郡諸軍
事平越中郎將廣州刺史 按是時始興三郡屬湘
州當云湘州之始興始安臨賀此脫去三字以臨海
王子項傳證之可知也

王景文傳

高祖第五女新安公主先適太原王景深離絕當以適
景文固辭以疾故不成婚 按褚叔度傳弟湛之尚
高祖第七女始安哀公主主薨復尚高祖第五女吳

郡宣公主吳郡主以姊繼妹必是改醮殆始封新安
進封吳郡耳徐湛之母會稽長公主永初三年詔稱
永興公主亦是始封永興進封會稽也王僧綽尚東
陽獻公主而王儉傳稱嫡母武康公主當亦始封武
康進封東陽也孝武女山陰公主廢帝時改封會稽
長公主史所載獨此一事餘皆無明文

讀論語至周監於二代外祖何尚之戲之曰耶耶乎文
哉 六朝人呼父爲耶梁世費昶詩云不知是耶非
簡文謂昶不識其父見顏氏家訓今本昶作旭此亦
以父名戲之也說文儼有文章也論語郁郁乎文哉

本當作馘後人省去有旁隸變爲或荀或字文若王
或字景文皆取斯義讀此傳知六朝論語本爲或字
今以郁夷字代之音同而義別矣

絢卽荅曰草翁

毛本作
翁誤

風必偃

南史云草翁風必舅

蓋尙之子名偃於絢爲舅也此作偃乃校書者妄改

殷孝祖傳

遷西陽王子尙撫軍寧朔將軍南濟陰太守 撫軍下

當有脫文是時子尙以撫軍將軍都督南徐兗二州

南濟陰卽南徐州屬郡孝祖蓋爲撫軍府僚佐而帶

南濟陰太守也

沈文秀傳

景和元年遷督青州之東莞東安二郡諸軍事建威將

軍青州刺史 當云督青州徐州之東莞東安二郡

史脫徐州二字下文詔書可證

遣將慕容白曜 南北史俱作慕容白曜容與聲相近

袁粲傳

王蘊謂粲已敗卽僂散走齊王以報敬則率所領收蘊

殺之并誅伯興 按是時劉韞爲領軍將軍直門下

省卜伯興爲直閤故粲欲令二人率宿衛兵攻蕭道

成而道成亦以王敬則爲直閤防二人之變此敬則

所殺者劉韞非王蘊也王蘊自石頭逃鬪場被禽斬于秣陵市與伯興非同時傳因上文有蘊謂粲已敗云云故誤爾當從南史

恩倖傳

戴法興 山陰有陳載者家富 南史作陳戴

阮佃夫 李道兒新塗縣侯 南史作新渝或是新塗之譌州郡志新塗新渝皆侯相

荆雍州蠻傳

有雄谿欄谿辰谿酉谿舞谿 舞谿南史作武溪

天門淩中令宗僑之 南史作宋矯之

南陽太守朱曇韶 南史作朱韶

且渠蒙遜傳

武威人焦朗入姑臧 晉書作魏安人魏安當是張氏呂氏所置郡縣名也

蒙遜攻焦朗殺之 晉書云攻朗克而宥之與此傳不同

追到西支間 晉書作解支澗解當作鮮鮮西聲相近也

蒙遜第三子茂虔 茂虔北史作牧犍茂牧聲相近虔與虔同音

攷異

宋書二

七


自序

昔金天氏有裔子曰昧生允格臺駘臺駘能業其官帝
顓頊嘉之封諸汾川其後四國沈姒蓐黃沈子國今
汝南平輿沈亭是也 按休文自序家世謂出少昊
之裔而唐書宰相世系表言沈氏出自姬姓周文王
第十子聃叔季食采于沈今汝南平輿沈亭卽其地
也二說互異攷臺駘封于汾川沈國亦當近汾與汝
南相去甚遠古讀沈如耽耽與聃又相通用則唐表
較之休文序爲可信矣但唐表謂魯成公八年爲晉
所滅沈子逞奔楚生嘉嘉二子尹丙尹戊尹戊爲楚

左司馬則謬妄已甚蔡滅沈以沈子嘉歸在魯定公
四年而沈尹將中軍乃在魯宣公時若沈尹戊與吳
戰歿卽蔡滅沈之歲也表以戊爲嘉子又改戊爲戊
且沈尹本以官爲氏乃割尹字連下爲名尤極荒唐
不如休文自序之當也

刺史褚升度至 升當作叔

桓元譙縱盧循馬魯之徒身爲晉賊非關後代 按司
馬休之魯軌忠于晉室奈何稱爲晉賊使與桓譙同
科且休文修史已杜易代之後非有回避而不爲別
白良史之義豈其然乎徐爰宋書今已失傳據此表



知列傳託始桓元兼及譙縱盧循司馬休之魯軌吳
 隱之謝混郗僧施劉毅何無忌魏詠之檀憑之孟昶
 諸葛長民諸人蓋沿陳壽范蔚宗之例而沈約非之
 自後南北八史列傳祇述開國功臣胥用沈法至新
 舊唐書乃復遵兩漢之例以李密王世充等列於功
 臣傳之前矣又攷恩倖傳爰初議本欲以桓元比新
 莽入之晉書孝武詔引項籍聖公之例今入宋典而
 休文自序稱臧質魯爽王僧達諸傳皆孝武所造然
 則唐人修晉書題云御撰亦有前例也

宋書二

文政十一年

